

瑤

華

集

瑤華集卷四

河傳

第一體  
二首

少年遊

第二體  
三首

一痕看碧 一首

迎春樂 一首

思越人 一首

河傳 第二體  
三首

醉紅粧 三首

醉花陰 八首

燕銜花 一首

尋芳草 一首

揆春令 三首

南歌子 十九首

雨中花 一首

河傳 第三體  
一首

怨王孫 五首

河傳 第四體  
一首

紅窗聽 一首

河傳 第五體  
一首

東坡引

一首

河傳

第六體一首

浪淘沙

三十六首

河傳

第七體一首

醉瑤瑟

一首

河傳

第八體一首

雙調望江南

十九首

杏花天

三首

撥香灰

三首

江月晃重山

二首

河傳

第九體一首

雨中花

第二體三首

鷓鴣天

二十九首

河傳

第十體一首

玉闌干

二首

河傳

第十一體四首

金鳳鈞

一首

河傳

第十二體一首

河傳

第一體

本意

蔣景祁

雨宿風走奉檄負薪望陰栽柳。桃花平漲土偶木偶怒。  
壽誰共守。秋來瓠子渾波瘦。銀錢數填盡春浪口。豐  
碑字勒蚪斗黃金看繫肘。

又

渺渺煙色濁浪沸天。浩波煎日野田新現千尺百尺舊。  
時曾斃石。巡河使者埋輪出。繡衣摺持斧驚縣卒。空  
沉壁馬蛟窟年來無耗息。

少年遊

第二體

翻書

趙進美

檀欒脩竹歲幾小徑屏影落紅塘湘帙初開縑光如雪  
織指粉痕香綠鬟竝驪金蟬重細語映鴉黃檀點新  
詞線縈奇字佳處兩三行

卽事

魏學渠

雨過重陽柺橋月小殘雁送新涼幾日晴川三旬沙市  
無夢聽更長秦箏寫盡離人意風急近瀟湘嶺接吳  
雲江連越水畢竟是他鄉

閨情

張台柱

碧梧墜葉画簷滴露樓外已三更翠被重熏金樽再煖  
斜月下銀屏安排腸斷明朝別相對不勝情京國繁

華疎狂似你，真是費叮嚀。

一痕碧

湖上行春

丁澎

風送画橋春綠，戲水紫鴛爭逐。柳花落盡短長亭，偏亂  
惹低鬟綠。人倚翠樓如玉，忍使嬾睂長蹙。鷓鴣飛上  
竹枝啼，停樽且盡吳娘曲。

迎春樂

垂絲柳

陸求可

春工二月如并剪，細剪出絲絲軟。淡煙濃雨黃金淺，看  
嬾娜隨風轉。見繫馬人兒過眼，知誰是情長情短。却

似相思頭緒欲斷應難斷。

思越人

無題

朱彝尊

小門關。溪徑轉。昔年曾醉秦樓。笑撚西裙。青案底。教擡  
纖手藏鈎。臨行指我相尋路。鏡湖一曲。西去繞徧湖  
塘。易柏樹。知他門掩何處。

河傳

第二體

春閨

吳洪化

殘杏粉。牆紅映。煙雨溟濛。輕輕雙燕剪。東風泥融。隔簾  
櫳。呢喃欲共佳人語。隨花舞。故惹空閨妬。落英銜墜。

画梁前微薦弄晴薄暮天

豆莢

史可程

日上柳絲晴漾綠暗齊腰休文行藥度溪橋青搖豆初  
嬌春情冶似清明候穿花走潮暈相思豆蠶娘態比  
豆花憨春衫嬌拖燕尾尖

咏桂

路鶴徵

金粟團香萬斛花霧空濛緯珠不捲月明中玲瓏逗微  
風只愁閒罷秋將老連芳草蕪却淮南道落英如雨  
細無聲淒清高齋聞雁鳴

醉紅粧



味螢

陳子龍

空庭星露暗香消。冷熒熒煙外飄。一簾涼影點青宵。明  
還滅弄花梢。多情飛上翠雲翹。倩他照晚粧。嬌更喜  
玉纖輕拂下。偏不見落紅綃。

勸酒

吳綺

迴廊羅幕捲金泥。照垂楊月影齊。有人年少斂蛾眉。歌  
宛轉勸玻璃。就中擲眼怕人疑。佯轉面整紅衣。低告  
玉郎須盡醉。郎不飲。又花飛。

罷官後看菊有作

菊花能醉去官人。對鴻妻引鶴孫。顛狂不怕大官嗔。吾

眠矣任諸君。前山過雨黛初勻。晚猶帶斷霞痕。蘭葉  
輕舟堪載酒。明日訪莫愁村。

醉花陰

擬豔

陳子龍

繡幙屏山紅影對。兩點愁眉。消息又黃昏。立徧蒼苔  
賺得心兒悔。一縷博山庭院內。人在秋千背。夜久落  
春星。幾陣東風殘月。梨花碎。

無題

錢棟

朱闌小徑藏青靄。攜手生春態。若比六朝人。羞殺潘郎  
叔寶還教拜。溪塘一曲闌干外。百舌真無賴。忘了墨

池邊閑拾榆錢付與東風賣。

擬豔

宋微輿

風裊繡簾雲影礙。一半輕粧退。玉漏出花間。羅幃無聲  
人影紗窗背。酒煖春酥紅入黛。銀燭搖仙佩。和露洗  
胭脂。金粉全消只有香肌在。

閔園

宋琬

雨餘天似柴窰碧。脩竹穿籬出。滿地碎秋聲。白鳥青蟲  
生長芙蓉國。森然奇鬼池邊石。紅葉纏青壁。屐齒竟  
忘歸。醉倚層樓三弄楓林笛。

寒食

丁澎

牆角鞦韆紅影度。踏徧新苔，露斜恨寄天桃賺。燕迷鶯  
都做相思樹。柳絲煙挽湘簾暮。春悶晴如雨。樓外更  
飛花。屈戍重重難鎖。東風住。

秋怨

李葵生

惱亂離腸秋草色。人比天涯，隔相約。柳初黃。望到而今  
滿樹摧殘碧。斜陽鴉背西風急。拚醉眠無力。欲待不  
思量。酒醒香寒。怎不思量得。

題山中廬

湯傳楹

古岸春陰剛欲半。風柳吹成片。山綠掛簷前。溪曲松深  
小島呼游伴。苾鞋竹杖隨雲絆。芳草年年換。日落聽

樵歌隔水歸來暮雨敲門扇

送春

丁焯

春風隔歲重相見暗約香魂斷擬作探花人蝶懶蜂殘  
驀地催人轉落紅無主紛成片寂寞停歌扇最是可  
憐宵一刻殘繁萬種思量遍

燕銜花

春閨

丁澎

吹落燕銜花絮着意畱他住簾櫳斜入復飛來凝眸乍  
已暗隨春去欵枕小眠驚起沒箇安排處剔勻殘穗  
又燈花郎歸也正蕭蕭暮雨

尋芳草

本意

張淵懿

撩亂勻如剪，青鋪就荒郊古渡。儘花驄踏徧，王孫路。馬蹄外，青無數。嫩色染春衫，渾不管、柳枝相妬。是誰教簇着愁來處。天付與、東風做。

揆春令

上元雨

陳子龍

寒梅香斷滿簾風，庭院春無主。火微紅，明滅紗窗裏。知有玉人低語。年時花月相逢處，隔小橋幾許。想今宵獨剔銀燈，和淚多了黃昏雨。

幽期

沈豐垣

停針笑剔玉釭明。正月斜簾外，整殘粧。故作深深態，偏  
不管郎先在。茶麝刺惹紅絲帶，漸微微露灑。恁相逢  
還向翠陰低處，摘朶花兒戴。

咏杏花

在叔祖殿  
元公宅內

陳維崧

崇仁宅靠善和坊，舊雕闌都壞。問玉樓人醉，今何處只  
一樹花還在。紅香籠帽歸鞭快，更何人能戴。到如今  
和了滿城微雨，頻上街頭賣。

南歌子

旅夜

曹溶

隔院牽巫枕。抽簪叩蜀絃。恁情輕薄小樓前。好作從軍  
蕩子。賺人憐。玉澁啼蘭。晚濃愁上雁。鈿西林渡口。奈  
何年。零落鴛鴦。心事曉霜天。

旅恨

馬度離人地。山銜去國程。孤身都似雪花輕。僥倖不知  
春色過清明。小榭低金鎖。香簾冷玉笙。那家沽酒甚  
多情。又被晚風吹送宿河城。

秋思

方大猷

衰草黏天際。寒蛩警枕頭。老夫偏會種離愁。教把宜春  
揭去貼宜春。書斷雲中雁。情孤水上鷗。又誰臨月引



筇篨剛唱思君不見下渝州。

又

蓬鬢驚堆雪。衰容豔拒霜。莫持瓊管弄清商。吹得萬千  
林葉一時黃。誰道春如剪裁成。百樣芳。那知秋色是  
干將。天外群峰處處割愁腸。

寄友

宋徵璧

濯足清流淺。垂綸百尺潭。清風明月慣成三。且與良朋  
斗酒醉雙柑。貧賤誠吾志。波瀾總未諳。中年好道足  
幽援。忘却一身淪落在江南。

冬曉

李雯

霜痕隨碧甃素縷斷銀瓶香消翠被五更清慣是獨眠  
人起見壺冰亂雲黏指凍煖筆画看輕菱花寒湛遠  
山青記得常年攜手近窗櫺

鷓鴣

王士禛

簾局晨香裊流蘇曉夢還十三小女綠鷓鴣鬢情似十三  
明月未全圓花影紅屏午春光碧戶傳抱來雁柱十  
三絃已覺一絃一柱思華年

起句用少陵

杜濬

徐步移班杖看山仰白頭鍾山管領萬山秋不見丹楓  
白鹿使人愁  
急急能鳴雁輕輕不下鷗後湖無數打

魚舟不見金鋪銀鑰恨悠悠。

春閨

董元愷

柳影籠珠網。蕉陰映綺窗。朝暉錯認是斜陽。又是一番  
殘夢暗思量。清鏡慵開匣。輕衫慢蕪香。驚魂風裏絮  
悠颺。恰趁花間蝴蝶過東牆。

無題

顧貞觀

鏡裏看花發。門前聽馬嘶。杏梁何事有單棲。不見天涯  
芳信幾回疑。欲剪同心帶。還占薄命詞。悄垂羅幙護  
相思。爲祝東風休卷綠楊絲。

賦得玲瓏隔窗語

毛奇齡

青漆垂銀鑰。丹砂映玉樞。隔窗嬌立小芙蓉。兩地分明  
細語一燈紅。好鳥音初剪。幽蘭氣轉濃。相看枉自喚  
玲瓏。一寸明螺。榻子萬重峰。

蝶庵花下送蘇仲補游京師

陳維崧

帶醉翻楸局。佯慙惱綺筵。笑他柯爛不知年。輸爾纔拈  
玉子便通仙。挾瑟龍池上。鳴鞭鳳闕前。妙齡絕藝有  
人憐。可憶江南分手落花天。

秋夜

胡會恩

缺月窺虛牖。高風剪敗桐。夜涼香爇碧紗空。爭奈年時  
人病雁聲中。綠綺新愁結。紅蕤舊約同。歡期如夢太

匆匆又是一簾秋雨颭芙蓉。

九日懷古

沈爾燦

汾水年年雁吳江點點楓  
最難忘是夕陽紅那更麗譙  
殘角捲西風  
尋菊人何在登樓賦自工  
當時參佐亦英雄  
老去踏穿黃葉石橋東

古戍

成德

古戍饑鳥集荒城野雉飛  
何年劫火剩殘灰  
試看英雄碧血滿龍堆  
玉帳空分壘金笳已罷吹  
東風回首盡成非  
不道興亡命也豈人爲

石城懷古

朱彝尊

青蓋三杯酒黃旗一片帆空餘神識斷碑鏡借問橫江  
鐵鎖是誰監花雨高臺冷胭脂辱井緘夕陽留與蔣  
山銜猶戀楓香閣畔舊松杉

鑿江舟中

黃雲

揚子濤聲近文河塔影浮日斜猶滯木蘭舟何處白沙  
煙樹古真州戰馬嘶蘆渚軍旗閃驛樓宋家丞相廟  
仍留不道又吹殘角荻花秋

偶贈

董思凝

古調青衫溼新聲白雪傳半生常喜醉瓊筵獨發吳歛  
清妙在花前世事滄桑改高懷鬢髮懸天台有伴好

求仙依舊桃花溪水似當年。

咏琉璃瓶紅魚

蔣景祁

測去如千頃。凝來只一丸。明螺窗外月光寒。恰似危樓雲雨水扶天。錦鯽雙雙泛浮萍。點點攤高低。滾得淚紋圓。不識玻璃三寸許。多寬。

雨中花

第一體

春去

丁澎

此去明年還見何事。離情難遣。紅淚如珠。偷彈多少。肯把東風換。未到三更猶是伴。且待闌干弄晚。奈鳥亂花喧。秋千立盡。自送殘陽遠。

河傳 第三體

春情

曹溶

綠怨春半。低回曲檻。茜衫曾見。夜闌風轉。金鈴夢醒。一  
睚秋水青。淚絲新染。秦絃澀。屏間立。別怨煎人。恐拂  
輕綃。淚歸潮相招。隔花停。画橈。

怨王孫

閨情

張台柱

恨不砍去垂楊。千樹又到春來。飄綿捲絮樓上。欲望江  
南。怕開簾。遠山不肯遮斜日。愁難釋。費盡春醪力。倚  
屏還聽寶馬嘶。過長橋。雨瀟瀟。



風

蔣景祁

吹草變柳動簾入牖帳捲流蘇鑪斜寶獸夢裏催響簷  
鈴研秦箏思量江上人何處孤帆渡渺渺天涯去空  
餘故國雲樹秋入園中落梧桐

花

含露愛日吟紅弄白各自嬌嬈一般憐惜春雨一夜堪  
聽賣花聲小樓粧罷移蓮步春如霧只是愁無主好  
同芳草飛去綠到無痕憶王孫

雪

史惟圓

灑徑迷路撒鹽飛絮著地旋消隨風仍聚江上冷落漁

磯一簑歸。歌樓僧舍平遮盡。還驚問誰綴梅梢粉。紅  
窗貪睡夜半金鴨香殘錦衾寒。

月

水彩滿地蟾光如水。鼓角三更關山千里。別有人倚高  
樓碧空愁。啼蛄訴冷牀頭語。幽夢阻。今夜清輝苦。美  
蓉香露和影漸透。簾旌枕函驚。

河傳 第四體

黃薔薇

陳維崧

櫻桃已謝牡丹開罷。薔薇滿樹夕陽漫漫一架低亞。檀  
痕汗粉帕。黃鸝一色枝頭罵。朦朧怕。誰迸金丸打。画

廊東繡花鼓芳絨施朱近也慵。

紅窗聽

聞琴

陳廷敬

越豔吳歌今樂此更何必碎琴燕市。窗燈簾月娛幽獨  
覺我將老矣。玉軫霜絃聊暫倚。恰消受疎鐘正起。驚  
鴻欲度一彈三唱任征人憔悴。

河傳

第五體

春雨

周積賢

春雨春雨落花做草捲霧成煙。謝娘鸞鏡損朱顏終年  
自生憐。又見雙鴻飛上苑音信短斜日紗窗晚蕭郎

不寄蕊珠牋楚天夜寒空捲簾

東坡引

鷓鴣

朱彝尊

迥沿潭裏浴波圓明鏡蹴濃花淡柳西湖曲臨流看不  
足晴沙遠暎淺水撲鹿鎮日夜鳴相續采蓮人去菰  
蒲綠一雙飛又宿一雙飛又宿

河傳 第六體

採蓮集唐詞

蔣景祁

團扇 王建宮中調笑 雙臉 溫庭筠歸國遙 翠鞦紅斂 顧復臨江仙 細雨霏微

南唐後主 露華點滴香淚 孫光憲 夢裏佳期 馮延巳 暗  
採桑子

相思

韋莊應天長

鴛鴦對浴銀塘暖

毛文錫虞美人

蘋葉軟

和凝春光

好

還似花間見

張泌胡蝶兒

別來依舊

歐陽炯賀聖朝

可能更理笙

簧

李珣中興樂

斷離腸

牛希濟酒泉子

浪淘沙

憶昔

陳子龍

清淺木蘭舟春思悠悠暮雲凝碧倩粧樓當日画堂紅  
燼下戲與藏鈎何處問重游好景難留誰家花月惹  
人愁總有笙歌如夢也別樣風流

感事

吳易

落魄少年場說霸論王金鞭玉轡拂垂楊劍客屠沽連

騎去喚取紅粧。歌哭酒壚旁。箠擊高陽。彎弓醉裏射  
天狼。瞥眼神州何處在。半枕黃粱。

端午

吳偉業

纏臂綵絲繩。妙手心靈。真珠嵌就一星星。五色疊成方  
勝小巧。樣丹青。刻玉與裁冰。眼見何曾。葫蘆如豆。虎  
如蠅。旁繫纒絲銀扇子。半黍金鈴。

題園次收綸濯足圖

曹溶

癡絕此漁翁。不釣三公。吳南越北柳陰濃。萬事且須看  
脚下。海闊山空。百恠舞蛟龍。雨雨風風。熱場斂手。是  
英雄。欲展絲綸還有待。人在圖中。

楊花

李 雯

金縷曉風殘。素雪晴翻爲誰飛。上玉闌干。可惜章臺新  
雨後。踏入沙間。沾惹忒無端。亂撲征鞍。一春幽夢綠  
萍間。暗處消魂。羅袖薄與淚輕彈。

似陳涉江

方以智

風起恨青霄。堆砌無聊亂紅催。語肯相饒。九十春光留  
不住。只在今朝。舊淚灑橫橋。那更吹簫。一聲斷處血  
難消。夜半子規啼不盡。只見花飄。

秣陵秋旅

宋徵輿

雁字起江干。紅藕花殘月明。昨夜照更闌。酒醒忽驚秋

色近回首長看。零落曉風寒。鄉夢須還。鳳城衰柳，不堪攀。木落秦淮人欲去。無限關山。

暮春閨思

路 遙

花柳漫凝眸。誰與同遊。曉粧無力倚珠樓。望斷天涯春黛鎖。減盡風流。燕舞觸簾鉤。絮語輕柔。纖纖閒整玉搔頭。怕聽子規啼不作。攪動離愁。

官怨

丁 澎

蟾吐玉階寒。翠袖低翻。每從花裏候龍顏。愛聽君王吹玉笛。倚徧闌干。新賜碧彊環。不道巫山。莫曾私幸尙衣班。生怕守官痕。漸落幾度偷看。



銅雀臺

黃 未

拊掌說曹公。天下英雄。秦皇漢武畧相同。豪舉今朝堪  
想見。銅雀春風。金甌嵌瑤宮。鎖翠圍紅。虬髯如戟坐  
當中。只有二喬空佇望。虎視江東。

燕子磯

吳 綺

故國亂山圍。煙樹依稀。嗟我片石碧雲低。萬里濤聲來  
向晚。捲盡斜暉。鐵纜繞危磯。欲上還遲。西風吹處勢  
如飛。爲恐江東雨。不住鎖着烏衣。

客窗聽雨

鄒 祇謨

綠柳正飛綿。半是陰天。孤燈和枕不成眠。青火未吹光

似豆故閃風前，花事正鶯然。好景誰憐，客游還到大江邊。細雨連宵看皓魄，誰缺誰圓。

題萍香閣

王屋

空翠潑牆頭，灌木脩脩晴鳥將。子掠鳴鳩，暫去還來溪竹裏。苦笋新抽，萍底嫩香浮活活。溪流晚來煙火隔籬稠，欲問桃源何處也。花外漁舟。

秣陵懷古

周積賢

御柳拂宮牆，又自蒼蒼石城山色接天黃。忽憶春花三十度，空帶斜陽。繡瓦落雕梁，塵鎖紗窗，鳥衣巷靜晚風涼。舊日諸郎今躍馬，無限韶光。

題仕女圖

馬鳴鑾

雙髻欲堆鴉。臉斷朝霞鶯啼。花影落窗紗。十二巫峰。渾是夢雨細雲斜。油壁下香車。目送鴻賒。紅闌珠幙阿誰家。統扇輕攜裙帶緩。自惜韶華。

無題

成德

紅影溼幽牕。瘦盡春光。雨餘花外却斜陽。誰見薄衫低髻子。抱膝思量。莫道不淒涼。早近持觴。暗思何事斷人腸。曾是他春夢裏。瞥遇回廊。

又

悶自剔殘燈。夜雨空庭瀟瀟。已是不堪聽。那更西風不

解意又做秋聲。城柝已三更。冷溼銀瓶。柔情淡後，不能醒。若是多情，醒不得，索性多情。

簾下美人影

曹貞吉

對面尙參差，難慰相思。東風無力，画簾垂薄，霧冥冥春未曉。掩映花枝。蟬影亂，呆似隔天涯。金鈎雙控，是何時，獨立窺人。人不見，捲上些兒。

丁巳清明

煙草似愁生，綠滿長汀。隔牆隱隱賣花聲。十日雨絲天作劇，渲染清明。林外乍啼鶯，樓外峰青。東風拂面酒微醒。欹帽垂鞭，何處去，淅淅寒輕。

春恨

沈謙

彈淚溼流光。悶倚回廊。屏間金鴨裊餘香。有限青春無限事。不要思量。只是軟心腸。驀地悲傷。別時言語總荒唐。寒食清明都過了。難道端陽。

夜怨

人靜雨瀟瀟。簾影風搖。殘杯獨酌轉無聊。翠袖啼痕紅燭淚。同灑春宵。煙水隔斜橋。魂斷難招。帶圍寬盡沈郎腰。到得見時。卿試比。不讓苗條。

春閨

沈豐垣

欹枕帶紅綿。積雨生寒。朝來強起看青山。細數春光將

九十幾箇晴天。塵鏡黯朱顏。往事難言，匆匆彈指十三年。摘得青梅聊寄與，不要心酸。

味煙

張台柱

春柳暮煙含。燕醉鶯酣。飄綿舞絮恨相兼。雨打風吹收不了，又上斜尖。繫馬弄金銜。斜日厭厭。夢中歸路又誰諳。渺渺茫茫花簇說，是江南。

不寐

昨夜夢魂中。翠袖輕籠。月華低照錦香叢。若使伊家同此夢，也算相逢。今夜恰惺忪。好夢無踪。孤幃寂寂聽寒蛩。一點漏聲千點淚，月挂疎桐。

送歌者楊枝還江南

陳維岳

飛絮滿闌干，春漸闌珊。楊枝此去太無端。我唱江南魂  
易斷，抵似陽關。歌管落花間，一路千山竹房人記立。  
樽前禪榻髻絲銷，不盡別路漫漫。

衢州

李珍

一葦泊寒流，人正多愁。臨風把酒撥箜篌。城上譙聲城  
下水，送盡行舟。淡月照如鉤，戰壘荒洲煙簑客去取。  
封侯欲賦招魂何處也，濃霧山頭。

納涼

王顥

一陣夜涼風，初月如弓。羅衫葉葉出簾櫳。恰是晚粧新

浴後茉莉香濃。獨坐小庭中。惱殺秋蛩。天涯不見雁。  
書通記得別時。河射角織女星紅。

舟過東郭廢園

吳本嵩

一葉下晴川。正夕陽。天西山拖雨。斷虹鮮。不是荷花親。  
指點誰說平泉。歌舞憶當年。肯羨神仙繁華如箭。忽  
離弦亂。楚殘垣能幾日。取次桑田。

雨花臺

朱彝尊

衰柳白門灣。潮打城還。小長干接大長干。歌板酒旗零  
落盡。剩有漁竿。秋草六朝寒。花雨空壇。更無人處一  
凭闌。燕子斜陽來又去。如此江山。



憶昔

鄧漢儀

遊跡憶羊城。膩雨啼鶯紅。蕉花放綠珠。亭洋燭三條。燒  
不盡。閒與搗箏。更促譜新聲。城上三更。烏絲細寫。懊  
儂情。只自臨風人欲別。記取春醒。

西泠懷古

田茂遇

湖水碧。漸漸春雨廉。纖吳山樹盡。滅朝嵐。德壽故宮猶  
在否。幾箇茅庵。玉柙有人。揆明月空。含冬青花下。問  
金蠶。杜宇有魂。招不得。淚滿江南。

懷舊

狄億

灼灼小桃紅。買斷春風。含顰掩黛倚簾櫳。欲把相思渾

寄與斜月朦朧。煙景溼濛濛。鷓鴣聲中。殘英剩粉怯  
愁容。又被無情雙燕子。街過墻東。

初度集句

萬樹

歸夢寄吳檣

陸游南鄉子

雁字成行

高觀國一斛珠

天將離恨惱疎

狂晏幾道鵬鴣天

王粲登樓寥落際

王庭筠蝶戀花

淡月紗窗

歐陽脩瑞鶴仙

露蕊鬱金黃

毛滂生查子

勸酒持觴

周邦彥意難忘

田園只是舊

耕桑

辛棄疾臨江仙

四十三年如電抹

蘇軾玉樓春

利鎖名韁

孫夫人風

中

又

一隻木蘭船

孫光憲菩薩蠻

離恨綿綿

花蕊夫人羅敷婦

落花飛絮兩

翩翩

歐陽脩  
瑞鶴仙

歸去江南丘壑處

劉仙倫  
百字令

斗帳高眠

張季  
祥滿

紅江

家在綠楊邊

顧夔  
醉公子

茅舍山前

劉過  
香子

惹窗映竹

滿爐煙

歐陽炯  
浣溪紗

舊事悠悠渾莫問

盧祖皋  
賀新郎

四十三年

疾未  
遇樂

新柳

閨秀

劉氏

昨夜雨綿綿寒澁燈煙薄  
衾蕭索不成眠  
曉起牀頭看  
曆日換了秋天  
綠葉尙新鮮  
猶想爭妍  
教他知道也  
淒然眼底韶光容易過  
樹且堪憐

閨情

王朗

疎雨滴青筴  
花壓重檐  
綉幃人倦  
思厭厭  
昨夜春寒眠

未足莫捲湘簾。羅袖護摻摻，怕拂香奩。獸爐香倩，侍兒添爲甚，雙蛾長鎖翠，自也憎嫌。

河傳 第七體

烏銅屏

宗元鼎

一天水景，絲絲照出繡鴛交頸。画工那解画真容，秀整天然花下影。于今沙草眠鷓鴣，繁華息往事空相憶。楊柳風煙露濃，落紅翠屏山幾重。

醉瑤瑟

重游西湖

丁焜

山如黛，柳如煙。明湖那色尙依然。花迎羅綺晴堤外，磬

引袈裟晚寺前。揮玉尊弄珠絃。醉來便臥鴨頭船。多情風月留人住。莫負秋光鏡裏天。

河傳 第八體

汴渠

宗元鼎

風流帝子江山兒。戲舳艫千里。汴渠邊楊柳低垂。堤水異香河上起。吹簫伐鼓歌龍女。雲和雨。綵纜休教住。鬪春風。桃影紅飄空。輕煙爛熳中。

雙調望江南

本意

高士奇

堪憶處。堦繞院西樓。紅樹窗前花鬪錦。碧天簾外月如

鈎時序總悠悠。消瘦了、少小舊風流。午摘珠蘭纔破，浴晚開茉莉，更梳頭。同坐看牽牛。

又

茅舍畔、森木暗。明湖雨足東疇收。晚稻霜沾別圃刈。香蔬舉網得江鱸。落照後、蝦菜集盤盂。小婦金環能約酒。幼兒玉筯趁呼盧。還羨早朝無。

前題

宋徵輿

江南扇皎皎似齊紈。雪影漫隨纖手落。霜風常使玉人寒。兩面合歡難。多少字題墨。未曾乾。蠶紙有絲空自摺。竹邊無淚錯相看。秋月共團圓。

又

江南好夜合有花神  
忽雨忽晴今日事  
如真如夢昨宵人  
寶枕剩啼痕  
思量着還去臥重茵  
榴蹙小巾紅燄  
滿蝶留殘翅  
粉衣新無處借春魂

和宋直方作

單恂

江南好花事正茶蘼  
寒側側時嫌中酒  
綠陰陰裏泥圍  
棋私語落紅知  
從他別只管雨如絲  
金鴨自薰蘇帳  
潤錦魚無信  
繡簾垂清晝似年遲

又

江南好剛雨又還晴  
燕掠小翎櫻顫  
顫蝶黏初粉  
藥花

輕羅袖峭寒生。寒凝望樓角夕陽明。應換晚粧催拭鏡。旋翻新曲。趁吹笙那信。有淒清。

又

江南好。麥信一番寒。碧茗焙香松葉路。銀鱗翻雪棟花灘。惆悵又春殘。梅梢雨。千子綠新乾。幽夢蝶驚虛。回枕小詞。蠅細滿烏欄。和淚寄伊看。

又

江南好。花氣愛春香。豆蔻年時才二月。海棠模樣是三郎。窄窄試羅裳。銀燈畔。橫溜眼波長。白子帳垂還似夢。五絲衾薄不。愁涼絮絮道思量。



又

江南好。一霎是榴紅。杏子輕衫渾似霧。桃花小扇不禁風。照影碧池空。  
無端去已轉。回橋東。淚共玉蟾黏粉。紙人如銀鴨。守薰籠。祇當未相逢。

寒月

秦淮月。最是小春清。紅葉樹梢風獵獵。黃花叢上露盈盈。盈照盡六朝情。  
消魂別隱隱。又明明。洒灑碧螺重。研紙香煨銀鴨。止吹笙。舊事到三更。

楓橋夜泊

董俞

楓橋路。煙水正迢迢。欲向東君尋舊約。渚花巖月兩無

聊辜負是春宵。人何在，獨倚赤欄橋。遙憶去年櫻筍  
候，画船紅燭，聽吹簫。往事更魂消。

偶感

嚴繩孫

歌宛轉，風日渡江多。柳帶結煙，畱淺黛桃花如夢，送橫  
波。一覺懶雲窩。曾幾日，輕扇掩纖羅。白髮黃金雙計  
拙，綠陰青子，一春過。歸去意如何。

悼歌伎桐月

宋泰淵

江南好，臘盡小梅枝。翠羽深春粧燕子，紅闌積雪琢獅  
兒。醺醺泛金卮。青燈背，睂語醉來時。長願三生逢好  
夢，莫教兩地說相思。偷整縷金衣。

前題

張淵懿

江南好小玉乍相逢  
新剪鴉翎齊粉額  
半含荳蔻貼酥胸  
一朶碧芙蓉  
情脉脉心事隱  
睂峰鳳局旋拋  
香黯淡鴟絃斜撥  
手玲瓏  
髣髴怨東風

又

江南好小院露荷芳  
粉葛淺裁新袖窄  
茜羅輕綰細腰長  
隔坐欲生涼  
無個事  
斑管試拈將  
蘭蕙半分螺黛碧  
口脂微沁墨痕香  
清韻逼瀟湘

又

江南好秋色麗晴川  
蓴菜白肥釵股滑  
鱸魚銀軟筋頭

鮮沉醉綺羅邊。更漏靜殘蠟照離筵。玉軫柔柔驚雁  
促紅牙的的溜珠圓。一曲碧雲天。

又

江南好。末夜月初圓。錦幃簇紅春似水。玉缸凝碧酒如  
煙。密坐近嬋娟。更靜後。燭影照誰邊。悄地藏嬌兜鳳  
屨。倩人扶醉覓花鈿。來往翠屏前。

又

江南好。門鎖夜臺深。雨撲雕闌紅曲曲。霜攢繡瓦碧鱗  
鱗。金井轆轤沉。憑想像。爭寫洛川神。凍月珮環聲不  
響。凌波羅鞵淨。無塵何處喚真真。

江南詞

林子咸

江南蝶影貼繡紅。幃膩粉新盈。多睡態輕黃，初褪越風流。好夢易相投。尋春去，只在百花樓。未有鶯來先串。柳已無燕後，更飛秋。占盡四時愁。

杏花天

花朝過金魚池

梁清標

鶯聲曲岸輕陰乍。春水漲城南。臺榭誰家高結，秋千架。人在賣花簾下。踏青鞦韆舊游重。話記挾彈芳原。試馬杏花小雨西村社。放了東風寬假。

杏花村

吳綺

東風初到烏衣路。開盡了輕紅千樹。顛狂不見當年杜  
花裊。酒旗青紵。又過了榆錢柳絮。渾莫勸東君且住。  
恨他燕子。啣春去。一片杏泥何處。

早秋過黃念在書屋

陳枋

玲瓏錦石干盤曲。枕畫舫連楹書屋。一闌芳草羅裙幅。  
猶染得春前綠。簾鈎落日趁碁局。笑無事花陰眠足。  
半竿香棗臨風撲。剛逗響東鄰竹。

撥香灰

春恨

毛先舒

嫩黃楊柳東風後。熨未展眉梢。雙皺猶記長條。復短條。

親折處牽郎袖。隔年人面何如舊。拖引得紅儂綠。慙  
除却鞋尖似昔時餘。都是今春瘦。

無題

成德

藥闌攜手消魂侶。怎不記看承人處。除向東風訴此情。  
奈竟日春無語。悠颺撲盡風前絮。又百五韶光難住。  
滿地梨花似去年。只多了廉纖雨。

春閨

游絲斷續東風弱。悄無語半垂簾幙。紅袖誰招曲檻邊。  
颺一縷秋千索。惜花人共殘陽薄。春欲盡纖腰如削。  
新月纔堪照。獨愁却又照梨花落。

江月晃重山

平望舟中

吳綺

森森玻璃千頃天。教吳越黏連。三秋風露好山川。今宵也。沽酒白雲邊。何處支機可問。直須秉燭無眠。醉中狂嘯欲騖鸞。新詩就。歌向玉嬋娟。

題波間明月圖爲葉南屏

蔣景祁

天上孤懸似鏡波。波間乍湧如丸。清秋風露鬢憐潘。光搖亂凝望不成圓。印入萬川一色有人。此夜同看待吟絕。句寫繁絃驚他也。星斗落江寒。

河傳 第九體



寒夜

陳維岱

風起村裏暝煙纔做柴門都閉清霜歷歷墮前堤星稀  
月明烏夜啼小窗寂寞凝寒色鼠窺食燈影昏如墨  
酒初醒夢難成傷情閑愁堆二更。

雨中花

第二體

春夢

沈謙

月冷梨花渾欲謝沒甚事和衣睡罷寶帳燈明翠屏香  
裊已在花陰下獨行小徑心兒怕遙望見玉簾低挂  
寂靜無人分明有路隔着秋千架

解嘲

彭孫遒

魏生已拜尚書尹毛生又攝中書品橘叟千頭竹君千  
百盡領通侯印羽客乘軒花錫衮先生豈合長棲遁  
官柳排衙官蛙疊鼓官補南柯郡

夜懷

張台柱

暗竹敲風聲不定越顯得夜庭寂靜塞雁來時一天霜  
露煙薄芙蓉冷不對銀蟬漏末空憶着舊家門徑  
翠幙籠香紅燈暎水歸夢迷花影

鷓鴣天

題画

宋徵輿

粧束分明是內家綠雲初綰倚窗紗水晶簾底懸秋月

雲母池邊浸碧霞。紅襪小翠裙遮。微風搖颺一鈞斜。  
無端記得春深淺。獨向空庭數落花。

重陽晚眺遇雨

李昌垣

十里平蕪帶晚霞。蕭蕭歸雁宿汀沙。雨迷村外行人渡。  
花滿溪南處士家。思往事。負年華。夢魂飄泊任天涯。  
西風吹換江州髻。獨醉東籬數暮鴉。

贈隱者

宋 琬

俛仰乾坤一草亭。科頭箕踞眼還青。休妨南郭先生睡。  
不羨東吳處士星。泥藥竈。護花鈴。春來蜂蝶共經營。  
兒孫功課無他事。熟讀龜蒙耒耜經。

偶成

曹爾崧

墻缺城西望翠微，東鄰槐柳是耶非。  
簷條新接龍鬚老，園甲纔抽馬齒肥。  
花正好，露方晞，揉藍撥紫劇芳菲。  
秋蟲巧變黃蝴蝶，也學鸚鵡一樣飛。

野塘卽事

蟹舍雞棲共一椽，千竿脩竹弄晴煙。  
鳥聲都在征鼙外，兵氣猶纏大角邊。  
書案淨，雜花妍，種魚栽藕野塘偏。  
木香吹雪人問世，讀罷莊生駢拇篇。

舟行

陳璜

客夢初迴聽水聲，斜風細雨過荒城。  
隔堤清瀉波光遠

三  
傍岸平沙草色輕。秋欲老。月微明。薄寒誰與問卿卿。  
碧霞仙子應遲我。重與吹笙醉玉京。

游仙

馮雲驥

玉殿雲樓十二重。金沙縹緲界遙空。手攀琪樹神山上。  
坐弄珊瑚碧海中。呼白鶴。駕蒼龍。閒吹鐵笛起天風。  
遙看九點齊州小。殘日如螢墮晚紅。

爲其年題九青卷

鄒祇謨

繡被雋來愛鄂君。柳花衫子藕花裙。聽將李尉歌中曲。  
認作陳王賦裏人。偏宛轉。獨殷勤。錦衾雙夢憶宵薰。  
揚州小杜能輕薄。曾向筵前乞紫雲。

又

斷袖相思未慣經。黃姑河畔指雙星。誓如魚墨濃偏淡。  
酒到鴉啼醉復醒。須漫語且徐聽。一聲彈做雨淋鈴。  
銅官潑墨如螺翠。更向山頭望九青。

酬李峙

錢繼章

髮短髯長得有稜。病容爰兀恠於僧。霜侵雨打尋常事。  
彷彿終南石裏藤。閒倚杖戲臨罨。折腰久矣謝無能。  
熏風未解池亭暑。捧出新詞字字冰。

西村書屋

張逸

徑僻居然似瀼西。一椽斜抱浣花溪。庭籠高樹重重暗。

簷湊新篁恰恰齊。窗樣小塔痕低。嬌鶯穿柳燕尋泥。  
簾清几滑敲棋冷。竹裏班鳩自在啼。

閨思

魏學洙

輕捲珠簾試晚晴。山煙高起水波平。花多墜粉三分瘦。  
蝶并游絲一樣輕。春已去意如醒。金錢何處卜歸程。  
黃鶯枝上休頻喚。人在遼西夢裏行。

初夏

魏學渠

荷葉如錢貼野塘。梧桐新乳晚風涼。口含紅豆無端恨。  
手摘青梅別樣香。嫌小婢怨檀郎。低持紈扇儘思量。  
流螢幾點牆頭過。樹影參差月半牀。

新閨

宋實穎

南浦驚鴻賦洛神。牀前銀燭照佳人。海棠乍溼胭脂雨。  
荳蔻輕翻蛺蝶春。百寶帳縷金裙。綠楊鶯轉回堂暎。  
合歡羅勝初裁剪。低喚卿卿細不聞。

咏鷓鴣

史鑑宗

何處行春不可憐。鷓鴣啼破落花天。溪山古道撐枯木。  
斜日孤村上冷煙。歌蜀道怨巴川。縱教行得也淒然。  
傷心不用頻傳語。久向江頭聽杜鵑。

喜友人過訪村齋

喬萊

僻處門無剝啄聲。故人何幸款柴荆。因山架屋苔常滿。



五柳集卷四  
三  
倒樹成橋葉尚生。新笋迸竿風平。飛花誤入煮茶鐺。  
儵然相對清如水。坐聽林間春鳥鳴。

無題

顧貞觀

往事驚心碧玉簾。燕猜鶯妬可憐嬌。風波亭下鴛鴦牒。  
惶恐灘頭烏鵲橋。舉恨葉摘情條。舊時着眼舊時腰。  
相思半响西窗月。狼籍桐花帶夢飄。

咏明妃

曹鑑平

金勒鷗絃掩淚聞。玉鈞鳳嘴褪新痕。當時不入蓬婆戍。  
未巷空留環佩魂。思往事對芳尊。錦幃獨自伴燈昏。  
夢回漢殿承恩處。花閉呆恩月鎖門。

有感

張台柱

庭院無聲夜漏閒。夢中曾記遇嬋娟。霞腮薄暈消龍粉。  
玉甲輕紅染鳳仙。思玉佩在雲端。音書那得到人間。  
從來天上秋難度。誰遣姮娥住廣寒。

西湖卽事

徐鉞

似鏡湖光正可憐。六橋楊柳更含煙。朱樓窈窕迷芳榭。  
白馬淒涼冷墓田。人似玉酒如泉。朝朝攜上木蘭船。  
盡聽商婦彈紅淚。猶擲歌兒買笑錢。

離思

成德

雁帖寒雲次第飛。飄零最是柳堪悲。誰能匹馬關山道。

又到殘陽雨過時。魂黯黯思淒淒。如今悔却一枝棲。  
從將掃黛窗前月，持向今宵照別離。

小園

小構園林寂不譁。疎籬曲徑彷彿山家。春窗吟罷風流子。  
一鳥聲中日上紗。添竹石伴煙霞。擬憑樽酒慰年華。  
休言筋肉俱驚。緩嘗向東風自種花。

歌館

吳棠禎

九曲溪邊翡翠舟。春山黛色入粧樓。櫻桃香淡人雙笑。  
楊柳煙輕月一鉤。初握手再梳頭。愛他端正又風流。  
呼郎先向紅牀宿。立在燈前半日羞。

春閨

陳聞

兩小相逢心事宜，郎彈玉軫妾彈棋。  
暗遮翠袖無人見，閒捉桐花有鳳知。  
從去後，費尋思，莫教夢斷好花枝。  
請看別恨無窮處，挽盡垂楊二月絲。

醉吳氏南園乘月還家

沈爾燦

醉別名園落日西，蒲帆漾月画橋低。  
青溪如夢剛剛到，紅燭迎人慢慢移。  
殘露冷，曙烏棲，朦朧還問夜何其。  
侍兒爲拂蒙頭雪，知在梨花小徑歸。

有贈

諸匡鼎

人住紅橋第幾家，春風終日掩窗紗。  
池邊共宿鴛鴦鳥

牆內新開姊妹花。看黛斂。鬢雲斜。玉弓恰喜繡裙遮。  
勝常道。罷無言語。曲曲銀屏照晚霞。

聞雁

路念祖

木落風高草欲枯。漸將霜雪點頭顱。夜深更聽無情雨。  
暗逐孤鴻下瀟湖。傾濁酒。撚吟鬚。江南塞北漫躊躇。  
愁來愁與天俱老。不唱鷓鴣唱鷓鴣。

小鬢

張雲錦

一縷輕綃束杏衫。小鬢十五太驕憨。尊前催拍燒紅燭。  
花下窺人避彩蠟。心上事。可能諳。往來應自別猜嫌。  
知伊解識東風苦。落盡梨花不捲簾。

無題

方 炳

玉臂胭脂繫絳紗。驪駒一曲不思家。書長愛學三更梳。  
夜靜羞看百合花。春已老。月將斜。行雲無夢到天涯。  
夢中識路知何益。流水孤村只暮鴉。

河傳 第十體

四寶帳

宗元鼎

花颺風斂。冰綃煙閃。夜光螢點。香烘玉簫。誰若韓娥姿。  
豔隔幃芳映臉。東都天子。江南客。河山隔。銀兔當樓。  
白秋已歸。春又歸。清暉輕魂帶夢飛。

玉闌干

本意

朱彝尊

玉闌干外秋蛩語。一架荳花清露。蘭湯浴罷。納新涼。攜  
織手。夜深爾汝。絲窗人遠。紗空護。網暗塵蛛絲無數。  
舊時梁燕也。驚心一回來。却又飛去。

與朱義公話舊

何洪

烏衣門第蕭然在。舊事而今都改。王孫落拓。竟何依。又  
翻作屠沽。朱亥。十年如夢。心情憊。念君家飄零不耐。  
丈夫有志。豈長貧。且莫自暗傷老大。

河傳 第十一體

游絲

陸求可

春霽清美。望晴空、千丈高高趁風。林花飄起，滿天紅。相逢相牽過苑東。當路有時飛不得。紫醉客，脉脉留春色。向溪園、閨婦悲郎歸，繫他雙馬蹄。

無題

錢芳標

南浦薄暮。水煙微。女伴湔裙未歸。野棠風多紅漸稀。飛飛故沾金縷衣。惆悵行人斷消息。淚暗拭。妬殺雙鴛翼。赤闌橋。碧柳條。蘭橈來須趁晚潮。

春暮

成德

春暮如霧。掩雙環。語影花間晝閑。背人偷將紅淚彈。闌珊香消輕夢還。斜倚画屏思往事。皆不是。空作相思。



字記當時垂柳絲。花枝滿庭蝴蝶兒。

聽鶯 集唐

朱彝尊

花片

張南史 深淺上

半山晴

皎然

落日殷勤早鶯

周賀

楚歌吳

語嬌不成

李白

多情

劉禹錫 時時聽一聲

白居易

偶值門開

暫相逐

元稹

聲斷續

盧仝

過盡重重屋

白居易

臨高臺

王勃

重徘徊

徊

清

酌來

夫名

留君醉一杯

戴叔倫

金鳳鈞

無題

孫 暢

紅酥臉波如醉日亭午。梳頭還未三春情。况幾般心事盡在首尖眼尾。繡牀拋却殘針。界杏腮兩條粉淚。

見人佯走弓鞬欲褪笑入碧桃花底。

河傳 第十二體

丹陽宮

宗元鼎

欲去。何處襟吳帶楚。情作江流。漲成江雨。記得桃葉波前。青溪擁戰船。癡情每向繁華結。江都別。風景長干絕。想後庭玉樹。較繡瓦春風。更誰同。  
丹陽卽建業也。揚帝築宮于此。不果遷。